

Agl lectur digl Ischi 52, 1966

Objekttyp: **Preface**

Zeitschrift: **Igl Ischi : organ della Romania (Societat de Students Romontschs)**

Band (Jahr): **52 (1966)**

PDF erstellt am: **09.08.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*
ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

Al lectur digl ISCHI 52, 1966

Il present ISCHI 52 era semtgaus per la stampa gia la fin 1967. Divers auters cudischs romontschs han giu de far lu la currella tras nossa cultira retica. Auters motivs de retenientscha publicistica ein ils augments extraordinaris de cuosts de stampa. Ediziuns de cudischs romontschs cun relativamein pintgas ediziun, dattan pli e pli de far e patertgar als umens dellas finanzas de nossas uniuns e dellas casas edituras.

Igl ISCHI ha buca mo la missiun de divertir il lectur cun belletristica, mobein era d'haver quitau per contribuziuns empau pli pesontas e pretensiusas. L'instrucziun d'in pievel muntagnard entras buns cudischs ei cunzun oz de gronda muntada. S'instruir e s'educar drova paus e ruaus intern, energia e perseveronza.

Sco che in cudisch de historias e raquintaziuns vegn presentaus, sedecida il lectur romontsch per la cumpra. Poesias? — Tractats perderts? — Na, lu buc! — In tal agir ei capeivels, mo strusch dueivels. La reproscha che nus Romontschs s'instrueschien buca en moda sufficienta savein ed astgein nus buca renviar. Gia en giuvens onns, gest suenter la fin dil temps de scola, vegn schau trer memia zun. Pér pli tard encorschan ins petramein igl engon. Co sestellegiar per recaltgar il temps ed il tralashau, il munchentau?

Igl ei en principi de beneventar che nos bravs umens e menaders, entginas instituziuns, sesprovan finalmein de scaffir la basa per megliera formaziun de spért e d'olma en nossa juventetgna romontscha. — Sper plirs auters organs romontschs ei era IGL ISCHI adina puspei sespruaus, dapi la fundaziun della Romania, de segidar en quei senn. El sa denton ademplir sia missiun mo entras la beinvuglientscha dil lectur romontsch, ch'ei prompts d'acquistar e de leger la vivonda spirtala ch'el porscha en moda variada onn per onn.

Survesta

L'EXPO 1964 ei aunc a biars Romontschs en buna regurdientscha. Pitgiras e discordias dil temps present sbliheschan denton adina pli e pli la grondiusa manifestaziun d'unitad e concordia svizzera stada retablida da lezzas uras. Dr: G. G.

C a s a u l t a , secretari della Ligia Romontscha, ha giu caschun de collaborar 1964 stretgamein allas lavurs preparontas concernent la preschientscha dil quart lungatg all'EXPO. Sia contribuziun: *Entginas reflexiuns en connex cun l'EXPO 64*, representa in'oreifra survesta e dat avis als luvvers che han pli tard de s'occupar cun medems problems en futuras exposiziuns nazionalas.

Sur Felici Maissen ei presents en nies ISCHI 52 cun in'impurtontissima contribuziun historiografica: *Ils embrugls confessional-politics el Grischun da 1670—1674*. — Interessants fatgs succedi el spazi de 4 onns, vegnan dilucidai cun bravura. Persunas ed eveniments de quei temps sesclareschan e survengnan novs aspects. La capacita digl autur de scarplir era eveniments complicai a clarezia, levgescha la lectura. Ins legia las paginas sco de leger in roman historic, senza percorscher la peisa della lavur scientifica e la detagliada documentaziun al pei dellas paginas.

Sur Felici Maissen ei enconuschents sco historiograf lunsch sur nos confins. Ses numerus artechels e cudischs vegnan apprezzai da tuttas varts. De gronda muntada ei sia lavur: *Die drei Bünde I, 1647—1657*, comparida 1966 ella casa editura S a u e r - l ä n d e r A a r a u . Ei setracta della descripziun minuziusa d'in spazi historic ualti turbulent, che cumpeglia diesch onns enamiez il 17avel tschentaner. Quels 10 onns de scrutaziun archivala rigurusa emplenescha in empren cudisch de varga 400 paginas.

Era vivonda divertenta ei d'anflar egl ISCHI 52. *Benedetg Caminada* ei representaus cun 5 praulas, per part originalas. Sias Novellas el Tschespet 44, 1965 han giu gronda quida. En paucas jamnas era l'entira ediziun svanida e consumada. — De pli sur l'activita e la veta de *Benedetg Caminada* ei d'anflar alla pagina 101 e sequentas e 162.

Alla veta ed all'ovra de *Sur canonidr. Benedetg Giger*, staus biars onns professor al Collegi de Nossaduna digl Agid a Sviz, dedichescha prof. *Christian Monn*, Cuera, entginas bialas paginas.

In'acziun romaniana d'impurtonza: *La fatscha de nos vitgs*, dilucidescha prof. *Giusep Capaul*, ferton che il parsuru della Romania, *Francestg Degonda*, orientescha il lectur sur dil curriu e passau ella Romania. Quei daventa en siu Rapport annual 1966. A. M.